



SAKSPAPIR

Saksnr	Utval	Type	Dato
02/2019	Ombodsutvalet	PS	02.12.2019

Sakshandsamar	Arkiv	ArkivsakID
Lin Tove Thomassen	FE-033	19/1270

DRØFTINGAR/ORIENTERINGAR

Vedlegg:

Reglement for godtgjering til folkevalde pr 250618 (L)(128003)
Rutine for sakshandsaming av politiske saker 1.2018
Handlingsreglar det gode kommunestyret
Valgloftet-2019 (L)(159777)

Rådmannen sitt framlegg til vedtak:

Ombodsutvalet - Sak 02/2019

OMB - Behandling:

Streaming av politiske møter

Programvara legg ikkje til rette for større redigeringar under sjølve streaminga. I ettertid vil fila bli redigert og publisert på kommunen si heimeside. Ombodsutvalet ønskjer at pausar og anna som ikkje er relatert til sakene vert teke vekk når møtet vert publisert.

Dei ønskjer at det skal vere mogleg å vite når kamera er på og når det er av, t.d. med eit lyssignal. Møtesekretær opplyser om når filminga startar og sluttar.

For å følgje med på korleis dette utviklar seg, ønskjer kommunen først å gjennomføre streaming av alle kommunestyremøta. På sikt er det eit ønske om å streame andre møter som t.d. møter i Formannskapet, Levekår- og Bygdeutviklingsutvalet.

Det vil vere fornuftig at rådmannen utarbeider retningslinjer for streaming av møter.

Relement for godtgjersle av folkevalde

Ombodsutvalet ber rådmannen ta ny gjennomgang av reglementet og mellom anna samanlikne

Vaksdal sine satsar for godtgjersle med andre kommunar. Det vil vere behov for å få inn eige punkt som omhandlar nytt bygdeutviklingsutval.

OMB - Tilråding/Vedtak:

Drøftingar/orienteringar vert tatt til orientering.

Drøftingssaker:

1. «Slik fungerer kommunestyret best»

I kommunestyremøte 25.06.2018, sak 47/2018 vart det utarbeida køyrereglar for kommunestyret og reglar for ordførar og administrasjon. Vedlagt i saka ligg dokumenta som vart utarbeidd, «Rutine for sakshandsaming av politiske saker», «Handlingsreglar- det gode kommunestyret» og «valløftet 2019».

2. Streaming av politiske møter i kommunestyresalen, heradshuset på Dale

For første gong i Vaksdal kommune vart kommunestyremøtet 4. november sendt direkte via ei lenke på kommunen sine nettsider. Opptaket er sidan publisert på kommunen sine nettsider slik at innbyggjarane kan klikke seg inn og sjå aktuelle saker.

Administrasjonen arbeider no med å forbetre og tilrettelegge for streaming i framtidige møter. Det vert sett på kameravinklar, plassering av kamera, systembegrensingar m.m. Det vert også tilrettelagd for streaming via kommunen si facebookside. Lukka møter vert ikkje streama og deltakarar skal vere informert om at møtet vert sendt direkte. Andre som er invitert for å gje informasjon til dei folkevalde, må samtykke til at dei vert streama. Dersom ikkje, vil streaminga verte sett i pausemodus.

Streaminga vert administrert av eit nettbasert program, men krav om pålogging og tildelt brukar i systemet. Det er to personar i administrasjonen som kan administrere streaminga og i Vaksdal kommune er det møtesekretær som har fått tildelt ei av administratorrollene. Arbeidet vert utført i møte og vert i tillegg til føring av møteprotokoll.

Administrator kan mellom anna starte opp møtet, setje det på pause og avslutte streaminga. Når møtet vert streama, vil det vere frå 30 -60 sekund forseinking før bildet er tilgjengeleg på nettsida. Dette er avhengig av tida det tek å overføre bildet til nett. Sjølv om det då betyr at det er ei forseinking, så er det ikkje mogleg å pause streaminiga før ein faktisk trykker på pause. Det som vert direkte sendt før den tid vil bli publisert. Etter at streaminga er avslutta, skal administrator redigere sendinga, før den vert publisert på kommunens nettside.

Ombudsutvalet ønskjer å få saka til drøfting.

3. Møtegodtgjersle for kommunestyret

Kommunestyret oppdaterte «Reglement for godtgjersle til folkevalde» 25.06.2018, i sak 49/2018. Møtegodtgjersla finn du vedlagt.

4. Mandat til bygdeutviklingsutval

Rådmannen orienterer om prosess med å etablere eit nytt utval.